

Clubinternt Reglement vun de Schanzer Fëscherfrënn. 01.04.2011

Datum: 01.01.2012

De Joresbäitrag ass 132 Euro.

Memberszuel ass op 125 begrenzt, 80 Member Schanzer Fëscherfrënn an 45 Member ASV.

Et muss ëmmer minimum e ganzt Joer am Viraus bezuelt sinn.

De Bäitrag ass ëmmer den 1 Abrëll fälleg.

De Betrag fir "Net-Hëllef" bei eisen Botzaktiounen oder Organisatiounen ass op 50 Euro festgeluecht, an dat bis zum Alter vu 65 Joer, a gëtt mat der Cotisatioun verrechent.

Et muss een minimum 2 x am Joer hëllef

En eemolegen Bäitrag vun 120 Euro ass beim Antrëtt ze bezuelen.

All Member muss eng Proufzäit vun 2 Joer absolvéieren. An deenen 2 Joer gëtt den neie

Member net am Komitee ugeholl, an de Komitee kann d'Memberschaft beim geréngste Mëssfalen ophiewen.

Déi am Viraus bezuelte Cotisatioun kritt de Member zréck iwwerwisen.

D'Kanner vun den Member däerfen sou laang wéi si studéieren fir näischt fëschen a kréien vun de Schanzer Fëscherfrënn e Studenten Permis.

Ass een vun den Memberen hiren Kanner eleng um Weier fir ze fëschen, muss hien sech mat sengem Studenteschäin ausweise kënnen .

Kanner bis 16 Joer mussen a Begleitung vun engem Erwuessenen sinn.

- 2 Trëtt e Member aus dem Club, huet hien d'Recht nach esouvill Méint derbäi ze sinn ewéi hien am Viraus bezuelt huet.

Ass en trëftege Grond fir den Austrëtt do an d'Cotisatioun réischt kierzlech bezuelt, kann de Member, nodeem de Komitee agewëllegt huet, säi Bäitrag zréckiwwerwisen kréien.

Den eemolegen Bäitrag vun 120 Euro gëtt net zréckbezuelt.

- 3 Jiddereen deen e gëltegen Permis vun den Schanzer Fëscherfrënn huet, däerf mat Famill, Frënn a Bekannten op de Weier kommen, vun deenen däerf awer nëmmen 1 (een) mat 1 (enger) Aangel fëschen, a muss am Besëtz vum däitsche Permis sinn. Et soll awer net ëmmer dee selwechte sinn dee mat fësche kënnt. Och de Member däerf dann nëmmen mat enger Angel fëschen Kanner déi mat fëschen zielen net derzou, mussen awer ab 15 Joer och en däitsche Permis hunn.

Onse Weier läit an engem Naturschutzgebitt an dowéinst sinn keng Partyen erlaabt.

Et dierf een mat Famill a Frënn op dem Weier e schéinen Dag verbréngen ouni d'Natur an déi aner Fëscher ze stéieren (Musek asw.) an och fir sämtlech Problemer mat den lokalen Obregkeeten ze vermeiden. Ab 22.00 Auer muss et roueg sinn um Weier.

- 4 Pro Permis vun den Schanzer Fëscherfrënn sinn 2 (zwou) Aangelen erlaabt. Dës Aangelen mussen op engem Stand (Plaz - a Reechwäit) leien. Kanner déi mat fëschen zielen net duerzou. Deejeinegen deen e mathëlt, däerf nëmmen mat enger Aangel fëschen.

- 5 Nuetsféschen ass verbueden
- a Vum 1. November bis den 31. Mäerz däerf net geféscht ginn vun owes 7 Auer bis 7 Auer mueres.
 - b Vum 1. Abrëll bis den 31. Oktober däerf net geféscht ginn vun owes 11 Auer bis 5 Auer mueres.
- 6 An Däitschland ass d'Féschen mat gefierften Mueden
a mam gefierften Fudder verbueden.
- 7 D'Féschen mam liewegen Fësch ass och verbueden.
- 8 Schounzäiten
- | | | |
|----------|--------------------------------|--|
| Hiecht | 15.02 - 31.05 | |
| Zander | 15.02 - 31.05 | |
| Stör | dat ganz Joer | Beim Fang w.e.gl. schounend zrëcksetzen. |
| Kazewels | däerf net zrëck gesat ginn !!! | |
- 9 Moossen
- | | |
|------------|-------|
| Hiecht | 50 cm |
| Zander | 45cm |
| Schlei | 25cm |
| Laangfësch | 50cm |
| Kaarp | 35cm |
- 10 Mir halen eis un dat saarlännescht Fëschereigesetz.
- 11 Pro Permis däerfen pro Dag 2 Hiecht, oder 2 Zander oder 4 Frellen oder 1 Hiecht an 1 Zander oder 1 Hiecht an 1 Frell, oder 1 Zander an 1 Frell gefaange ginn. All déi aner Fësch sinn net limitéiert.
Wa festgestallt gëtt, dass iwwerdriwwen vill Routa oder aner Fësch mat Heem geholl ginn, kënnen déi zwee Komiteeën eng Begrenzung festleeën.
Et däerf kee Member sech um Fëschen beräicheren, d.h. et däerfen keng Fësch verkaaft ginn
- 12 D'Bootsfëscherei ass erlaabt, sollten awer bis op eemol ze vill Booter um Weier leien gëtt dësen Punkt vum Komitee nei bestëmmt.
Um Weier leien de Moment dräi privat Booter, dës ginn mam Numm vum Besëtzer vermierkt, a mat enger Ketten mat Nummerschlass op der Plaz déi fir si virgesinn ass ugestréckt.
All Schlass kritt dee selwechten Code an dësen gëtt all Member matgedeelt.
Jiddereen däerf d'Booter benotzen, muss et awer un de Besëtzer ofrieden wann dee kënnt, a muss et nom Fëschen nees op der selwechter Plaz ustrécken.
D'Booter sinn net do fir Juxfahrten ze maachen an däerf och kee Boots-fësch déi aner Fësch stéieren.
D'Besëtzer: Kauffmann Carlo, Niederweis Claude a Luc, a Lemmer Roger.
- 13 Campéieren ronderëm de Weier ass net erlaabt. Een- oder Zweemol Iwwernuechten ass net campéiert.
- 14 Am Weier schwammen ass verbueden.

- 15 De Schwammverbuet gëllt och fir d'Honn.
Sinn nach aner Fëscher um Weier sinn d'Honn un der Léngt ze halen.
- 16 All Member ass gebieden de Weier propper ze halen.
Wëllt een gebrauchten Saachen, déi een doheem net méi brauch, mat op de Weier bréngen, muss dat mat de Komiteeën ofgestëmmt ginn.
Mir hunn zwou Grillplazen déi jiddereen däerf benotzen a mir wëllen net dass op all Eck eng nei Feierplaz ugefaange gëtt.
- 17 An der Afaart fir op de Weier ass eng Barrière mat engem Nummerschlass.
Des Barrière muss all Member hannerun sech zou maachen an d'Schlass nees anhänken an de Code verstellen souwuel beim ran- wéi och beim erausfueren.
- 18 Déi zwee Komiteeën kënnen Clubfëschen vun Gaaschtveräiner bei eis um Weier erlaben.
D'Konditiounen fir dëst Fëschen kréien d'Veräiner am Virus matgedeelt.
- 19 Verstéisst e Member géint d'Statuten oder dëst clubinternt Reglement, kann de Komitee den Austrëtt beschléissen.
- 20 Eventuell begrënnten Reklamatiounen sinn schrëftlech un de President oder un e Komiteesmember ze riichten, fir dass de Komitee eng Entscheidung iwwert de gemellten Problem kann huelen.
- 21 Déi zwee Komiteeën kënnen jidderzäit Ännerungen um Reglement virhuelen, oder Ausnamen erlaben.
- 22 Dëst Reglement trëtt den 01.01.2012 a Kraaft an annulléiert an ersetzt déi bis zu dësem Datum gëlteg Geboter a Reglementer.

De Komitee Schanzer Fëscherfrënn